

Broj: UPI 03-30/12-26/21 AG  
Sarajevo, 10.09.2021. godine

Federalno ministarstvo rada i socijalne politike na osnovu člana 19. stav 2. Zakona o upravnom postupku („Službene novine Federacije BiH“, br. 2/98 i 48/99), člana 64. stav 1, a u vezi sa članom 72. st. 1. i 3. i članom 88. Zakona o zaštiti na radu („Službene novine Federacije BiH“, broj: 79/20), u postupku utvrđivanja organizacijskih, kadrovskih, tehničkih i drugih uvjeta za izdavanje dozvole za obavljanje periodičnih pregleda i ispitivanja fizičkih, hemijskih i bioloških štetnosti i mikroklimе u radnim i pomoćnim prostorijama i periodičnih pregleda i ispitivanja sredstava za rad i sredstava i opreme lične zaštite, električnih i gromobranskih instalacija na objektima na kojima se primjenjuju mjere zaštite na radu, te za izdavanje dozvole za procjenu rizika na radnim mjestima i mjestima rada u radnoj okolini, za osposobljavanje radnika za siguran rad, te za izradu stručnog nalaza koji se pribavlja u postupku skraćivanja radnog vremena na poslovima sa povećanim rizikom, na zahtjev Privrednog društva za proizvodnju, usluge i trgovinu „MULTITEH-INŽENJERING“ d.o.o. Zenica, Envera Čerkeza 2, Zenica, d o n o s i

## RJEŠENJE

1. Utvrđuje se da Privredno društvo za proizvodnju, usluge i trgovinu „MULTITEH-INŽENJERING“ d.o.o. Zenica ispunjava organizacijske, kadrovske, tehničke i druge uvjete za obavljanje stručnih poslova iz oblasti zaštite na radu, i to:
  - periodični pregledi i ispitivanja fizičkih, hemijskih i bioloških štetnosti i mikroklimе u radnim i pomoćnim prostorijama,
  - periodični pregledi i ispitivanja sredstava za rad i sredstava i opreme lične zaštite, električnih i gromobranskih instalacija na objektima na kojima se primjenjuju mjere zaštite na radu,
  - procjena rizika na radnim mjestima i mjestima rada u radnoj okolini,
  - osposobljavanje radnika za siguran rad,
  - izrada stručnog nalaza koji se pribavlja u postupku skraćivanja radnog vremena na poslovima sa povećanim rizikom,
  - izdavanje odgovarajućih isprava iz oblasti zaštite na radu.
2. Dozvola za obavljanje stručnih poslova iz oblasti zaštite na radu iz tačke 1. ovog rješenja izdaje se na određeno vrijeme od četiri godine, te Privredno društvo za proizvodnju, usluge i trgovinu „MULTITEH-INŽENJERING“ d.o.o. Zenica poslove iz tačke 1. ovog rješenja može obavljati sve dok ispunjava propisane organizacijske, kadrovske, tehničke i druge uvjete, a najkasnije do 10.09.2025. godine.
3. Privredno društvo za proizvodnju, usluge i trgovinu „MULTITEH-INŽENJERING“ d.o.o. Zenica je obavezno da Federalnom ministarstvu rada i

- socijalne politike odmah prijavi svaku promjenu u pogledu propisanih organizacijskih, kadrovskih, tehničkih i drugih uvjeta za obavljanje stručnih poslova iz oblasti zaštite na radu iz tačke 1. ovog rješenja.
4. Privredno društvo za proizvodnju, usluge i trgovinu "MULTITEH-INŽENJERING" d.o.o. Zenica je obavezno da Federalnom ministarstvu rada i socijalne politike na kraju svake kalendarske godine, najkasnije do 15. januara, dostavi dokumentaciju o ispunjavanju propisanih organizacijskih, kadrovskih, tehničkih i drugih uvjeta za obavljanje stručnih poslova iz oblasti zaštite na radu iz tačke 1. ovog rješenja, kao i izvještaj o svim obavljenim poslovima.
  5. Ovim rješenjem zamjenjuje se rješenje Federalnog ministarstva rada i socijalne politike broj: UP I 03-34/13-1/11 od 11.03.2011. godine.

### O b r a z l o ž e n j e

Rješenjem Federalnog ministarstva rada i socijalne politike broj: UP I 03-34/13-1/11 od 11.03.2011. godine, utvrđeno je da Privredno društvo za proizvodnju, usluge i trgovinu "MULTITEH-INŽENJERING" d.o.o. Zenica ispunjava uvjete u pogledu kadrova i tehničke opreme za obavljanje periodičnih pregleda i ispitivanja iz oblasti zaštite na radu, i to: sredstava rada i opreme i sredstava lične zaštite, fizičkih, hemijskih ili bioloških štetnosti i mikroklima, te izdavanje odgovarajućih isprava iz oblasti zaštite na radu. Pomenuto rješenje od 11.03.2011. godine, doneseno je na osnovu odredbe člana 21. Zakona o zaštiti na radu („Službeni list SR BiH“, broj: 22/90), a u postupku pokrenutom po zahtjevu Privrednog društva za proizvodnju, usluge i trgovinu "MULTITEH-INŽENJERING" d.o.o. Zenica (u daljem tekstu "MULTITEH-INŽENJERING" d.o.o. Zenica).

Odredbom člana 88. st. 1. i 2. Zakona o zaštiti na radu („Službene novine Federacije BiH“, broj: 79/20), propisano je da su organizacije koje su do dana stupanja na snagu ovog zakona bile ovlaštene da vrše poslove iz člana 21. stav 1. i člana 28. stav 2. Zakona o zaštiti na radu („Službeni list SR BiH“, broj: 22/90), obavezne da podnesu zahtjev za utvrđivanje uvjeta u smislu člana 64. i člana 72. stav 1. ovog zakona, u roku od tri mjeseca od dana donošenja podzakonskog akta iz člana 66. stav 3, odnosno člana 72. stav 3. ovog zakona. Organizacije iz stava 1. ovog člana, koje u roku od tri mjeseca od dana donošenja podzakonskog akta iz člana 66. stav 3. ovog zakona, odnosno člana 72. stav 3. ovog zakona podnesu zahtjev za utvrđivanje uvjeta u smislu člana 64. stav 1. ovog zakona i člana 72. stav 1. ovog zakona, zadržavaju ovlaštenje za vršenje poslova iz člana 21. stav 1, odnosno člana 28. stav 2. Zakona o zaštiti na radu („Službeni list SR BiH“, broj: 22/90), sve do donošenja konačnog rješenja po podnesenom zahtjevu iz stava 1. ovog člana.

Odredbom člana 64. stav 1. Zakona o zaštiti na radu utvrđene su vrste stručnih poslova za koje se izdaje dozvola ovlaštenim organizacijama. Naime, pomenutom zakonskom odredbom je propisano da privrednom društvu ili ustanovi koja ispunjava kadrovske, organizacijske, tehničke i druge uvjete, federalni ministar rada i socijalne politike izdaje dozvolu za obavljanje sljedećih stručnih poslova:

- a) periodičnih pregleda i ispitivanja fizičkih, hemijskih i bioloških štetnosti i mikroklima u radnim i pomoćnim prostorijama,
- b) periodičnih pregleda i ispitivanja sredstava za rad i sredstava i opreme lične zaštite, električnih i gromobranskih instalacija na objektima na kojima se primjenjuju mjere zaštite na radu,

- c) osposobljavanje radnika za siguran rad,
- d) procjenu rizika na mjestima rada i radne okoline iz člana 23. ovog zakona.

Odredbom člana 66. stav 3. pomenutog zakona propisano je da će federalni ministar rada i socijalne politike donijeti pravilnik kojim će, između ostalog, propisati organizacijske, kadrovske, tehničke i druge uvjete koje moraju ispunjavati ovlaštene organizacije iz člana 64. ovog zakona, te postupak i način utvrđivanja tih uvjeta.

Također, odredbom člana 72. stav 1. Zakona o zaštiti na radu propisano je da se poslovi iz člana 71. stav 2. ovog zakona i trajanje radnog vremena utvrđuju internim aktom poslodavca o zaštiti na radu, na osnovu akta o procjeni rizika iz člana 23. stav 2. ovog zakona i stručnog nalaza ovlaštene organizacije, koja ispunjava kadrovske, organizacijske, tehničke i druge uvjete, dok je u stavu 3. iste zakonske odredbe propisano da će postupak skraćivanja radnog vremena kod poslodavca, kao i kadrovske, organizacijske, tehničke i druge uvjete koje moraju ispunjavati ovlaštene organizacije iz stava 1. ovog člana, propisati federalni ministar rada i socijalne politike.

Imajući u vidu da je na osnovu odredbe člana 66. stav 3. Zakona o zaštiti na radu donesen Pravilnik o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu („Službene novine Federacije BiH“, broj: 23/21), koji je stupio na snagu 25.03.2021. godine, to su organizacije koje su bile ovlaštene da vrše poslove iz člana 21. stav 1. Zakona o zaštiti na radu („Službeni list SR BiH“, broj: 22/90), bile obavezne da podnesu zahtjev za utvrđivanje uvjeta u smislu člana 64. Zakona o zaštiti na radu, najkasnije do 25.06.2021. godine.

S obzirom da se u slučaju organizacije „MULTITEH-INŽENJERING“ d.o.o. Zenica, radi o organizaciji koja je bila ovlaštena za obavljanje poslova iz člana 21. stav 1. Zakona o zaštiti na radu („Službeni list SR BiH“, broj: 22/90), to je „MULTITEH-INŽENJERING“ d.o.o. Zenica Federalnom ministarstvu rada i socijalne politike dostavio zahtjev broj: 07-06/2021-KM od 07.06.2021. godine, za izdavanje dozvole za obavljanje periodičnih pregleda i ispitivanja fizičkih, hemijskih i bioloških štetnosti i mikroklima u radnim i pomoćnim prostorijama i periodičnih pregleda i ispitivanja sredstava za rad i sredstava i opreme lične zaštite, električnih i gromobranskih instalacija na objektima na kojima se primjenjuju mjere zaštite na radu, za izdavanje dozvole za procjenu rizika na radnim mjestima i mjestima rada u radnoj okolini, te za osposobljavanje radnika za siguran rad. Također, prilikom obavljanja neposrednog pregleda dana 25.08.2021. godine, preuzet je i zahtjev organizacije „MULTITEH-INŽENJERING“ d.o.o. Zenica broj: 25-08/2021-KM od 25.08.2021. godine, za izdavanje dozvole za izradu stručnog nalaza koji se pribavlja u postupku skraćivanja radnog vremena na poslovima sa povećanim rizikom. Uz podneseni zahtjev od 07.06.2021. godine, dostavljena je određena dokumentacija potrebna radi utvrđivanja propisanih organizacijskih, kadrovskih, tehničkih i drugih uvjeta za obavljanje stručnih poslova iz oblasti zaštite na radu, a koja je na zahtjev ovog ministarstva, dopunjena aktom podnosioca zahtjeva broj: 15-07/2021-KM od 15.07.2021. godine i broj: 07-09/2021-KM od 07.09.2021. godine.

Odredbom člana 125. stav 1. Zakona o upravnom postupku („Službene novine Federacije BiH“, br. 2/98 i 48/99), propisano je da ako se prava ili obaveze stranaka zasnivaju na istom ili sličnom činjeničnom stanju i na istom pravnom osnovu i ako je organ koji vodi postupak u pogledu svih predmeta stvarno nadležan, može se pokrenuti i voditi jedan postupak i onda kad je riječ o pravima i obavezama više

stranaka. U stavu 2. navedene zakonske odredbe propisano je da pod istim uvjetima, jedna ili više stranaka mogu u jednom postupku ostvarivati i više različitih zahtjeva. S tim u vezi, a s obzirom da je utvrđeno da se navedeni zahtjevi "MULTITEH-INŽENJERING" d.o.o. Zenica zasnivaju na istom činjeničnom stanju i na istom pravnom osnovu, te imajući u vidu da je ovo ministarstvo stvarno nadležno u pogledu podnesenih zahtjeva, to je izvršeno spajanje stvari u jedan postupak, te je o dostavljenim zahtjevima organizacije "MULTITEH-INŽENJERING" d.o.o. Zenica odlučivano jednim rješenjem.

Organizacijski, kadrovski, tehnički i drugi uvjeti za obavljanje stručnih poslova iz člana 64. stav 1. Zakona o zaštiti na radu, propisani su Pravilnikom o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, a koji je donesen na osnovu člana 66. stav 3. Zakona o zaštiti na radu, dok su organizacijski, kadrovski, tehnički i drugi uvjeti koje moraju ispunjavati ovlaštene organizacije za izradu stručnog nalaza iz člana 72. stav 1. Zakona o zaštiti na radu propisani Pravilnikom o postupku skraćivanja radnog vremena na poslovima sa povećanim rizikom („Službene novine Federacije BiH“, broj: 24/21), a koji je donesen na osnovu člana 72. stav 3. Zakona o zaštiti na radu.

Propisani uvjeti koje moraju ispunjavati ovlaštene organizacije za obavljanje stručnih poslova iz oblasti zaštite na radu iz člana 64. stav 1. Zakona o zaštiti na radu, odnosno za izradu stručnog nalaza koji se pribavlja u postupku skraćivanja radnog vremena na poslovima sa povećanim rizikom iz člana 72. stav 1. navedenog zakona, utvrđeni su na osnovu dokumentacije dostavljene uz navedene akte podnosioca zahtjeva, te na osnovu neposrednog pregleda izvršenog na adresi podnosioca zahtjeva, o čemu je sačinjen zapisnik broj: UPI 03-30/12-26/21 od 25.08.2021. godine.

Kada su u pitanju organizacijski uvjeti za obavljanje stručnih poslova iz oblasti zaštite na radu, odnosno za izdavanje navedenog stručnog nalaza koji se pribavlja u postupku skraćivanja radnog vremena, a koji su propisani odredbom čl. 6. i 7. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, odnosno čl. 6. i 7. Pravilnika o postupku skraćivanja radnog vremena na poslovima sa povećanim rizikom, na osnovu Aktuelnog izvoda iz sudskog registra Općinskog suda u Zenici broj: 043-0-RegZ-21-001082 od 16.04.2021. godine, utvrđeno je da se radi o privrednom društvu registrovanom na teritoriji Federacije Bosne i Hercegovine, sa sjedištem na adresi Envera Čerkeza 2, Zenica, koje nema druge poslovne jedinice.

Što se tiče kadrovskih uvjeta za obavljanje periodičnih pregleda i ispitivanja fizičkih, hemijskih i bioloških štetnosti i mikroklimе u radnim i pomoćnim prostorijama, a koji su propisani odredbom člana 8. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, utvrđeno je da će navedene poslove obavljati:

1. Osman Poljić - diplomirani inženjer tehnologije,
2. Jasmina Suljić - diplomirani inženjer zaštite na radu i životne okoline,
3. Emina Kadić - diplomirani inženjer hemije i
4. Alma Islamović - diplomirani biolog.

Za navedena lica je na osnovu dokaza dostavljenih od strane podnosioca zahtjeva, a koji su taksativno pobrojani i označeni u navedenom zapisniku od 25.08.2021. godine,

utvrđeno da ispunjavaju uvjete u pogledu stepena stručne spreme, usmjerenja, trajanja ugovora o radu i radnog vremena, radnog iskustva i druge opće uvjete iz člana 8, a u vezi sa članom 12. navedenog pravilnika. Kada je u pitanju uvjet iz navedenih odredaba pravilnika, koji se odnosi na stručni ispit za obavljanje stručnih poslova iz oblasti zaštite na radu u ovlaštenim organizacijama, navedena lica će biti u obavezi da isti polože pod uvjetima i u roku koji će biti određen posebnim pravilnikom.

Što se tiče kadrovskih uvjeta za obavljanje periodičnih pregleda i ispitivanja sredstava za rad i sredstava i opreme lične zaštite, električnih i gromobranskih instalacija na objektima na kojima se primjenjuju mjere zaštite na radu, a koji su propisani odredbom člana 9. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, utvrđeno je da će navedene poslove obavljati:

1. Refik Mujkanović - diplomirani inženjer mašinstva,
2. Salih Husremović - diplomirani inženjer elektrotehnike,
3. Šabić Deni - diplomirani inženjer mašinstva,
4. Armin Cimiratić - bachelor inženjer elektrotehnike,
5. Goran Preskar - diplomirani inženjer elektrotehnike,
6. Mujčinović Albin - bachelor inženjer elektrotehnike i
7. Ernad Hidić - bachelor inženjer građevine.

Za navedena lica je na osnovu dokaza dostavljenih od strane podnosioca zahtjeva, a koji su taksativno pobrojani i označeni u navedenom zapisniku od 25.08.2021. godine, utvrđeno da ispunjavaju uvjete u pogledu stepena stručne spreme, usmjerenja, trajanja ugovora o radu i radnog vremena, radnog iskustva i druge opće uvjete iz člana 9, a u vezi sa članom 12. navedenog pravilnika. Kada je u pitanju uvjet iz navedenih odredaba pravilnika, koji se odnosi na stručni ispit za obavljanje stručnih poslova iz oblasti zaštite na radu u ovlaštenim organizacijama, navedena lica će biti u obavezi da isti polože pod uvjetima i u roku koji će biti određen posebnim pravilnikom.

Kada su u pitanju kadrovski uvjeti za obavljanje procjene rizika na radnim mjestima i mjestima rada u radnoj okolini, a koji su propisani odredbom člana 11. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, te kadrovski uvjeti za obavljanje poslova izrade stručnog nalaza koji se pribavlja u postupku skraćivanja radnog vremena na poslovima sa povećanim rizikom, a koji su propisani članom 8. Pravilnika o postupku skraćivanja radnog vremena na poslovima sa povećanim rizikom, utvrđeno je da će te poslove, pored navedenih lica zaduženih za obavljanje poslova periodičnih pregleda i ispitivanja fizičkih, hemijskih i bioloških štetnosti i mikroklima u radnim i pomoćnim prostorijama, obavljati i specijalista medicine rada i diplomirani psiholog, a koji su zaposlenici Javne zdravstvene ustanove Dom zdravlja "Izudin Mulabećirović Izo" Tešanj, sa kojom je podnosilac zahtjeva sklopio Ugovor o poslovno tehničkoj saradnji iz jula 2021. godine, i to:

1. Jasmin Makarević - doktor medicine, specijalista medicine rada,
2. Emina Turalić - diplomirani psiholog.

Za navedena lica je na osnovu dokaza dostavljenih od strane podnosioca zahtjeva, a koji su taksativno pobrojani i označeni u navedenom zapisniku od 25.08.2021. godine, utvrđeno da ispunjavaju uvjete u pogledu stepena stručne spreme, usmjerenja, trajanja ugovora o radu i radnog vremena, radnog iskustva i druge opće uvjete iz člana

11, a u vezi sa članom 12. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, odnosno iz člana 8, a u vezi sa članom 9. Pravilnika o postupku skraćivanja radnog vremena na poslovima sa povećanim rizikom, dok je na osnovu rješenja Ministarstva zdravstva Zeničko-dobojskog kantona broj: 11-37-4285-3/16 od 30.05.2016. godine, Aktuelnog izvoda iz sudskog registra Općinskog suda u Zenici broj: 043-0-RegZ-21-001938 od 14.07.2021. godine, Statuta JZU Dom zdravlja "Izudin Mulabećirović Izo" Tešanj iz maja 2021. godine, Pravilnika o radu JZU Dom zdravlja "Izudin Mulabećirović Izo" Tešanj iz marta 2021. godine, utvrđeno da navedena ustanova obavlja djelatnosti iz oblasti medicine rada. Kada je u pitanju uvjet iz navedenih odredaba pravilnika, koji se odnosi na stručni ispit za obavljanje stručnih poslova iz oblasti zaštite na radu u ovlaštenim organizacijama, navedena lica će biti u obavezi da isti polože pod uvjetima i u roku koji će biti određen posebnim pravilnikom.

Što se tiče kadrovskih uvjeta za obavljanje poslova osposobljavanja radnika za siguran rad, utvrđeno je da će iste u skladu sa odredbom člana 10. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, obavljati Refik Mujkanović, diplomirani inženjer mašinstva, Salih Husremović, diplomirani inženjer elektrotehnike, Šabić Deni, diplomirani inženjer mašinstva, Armin Cimiratić, bachelor inženjer elektrotehnike, Goran Preskar, bachelor inženjer elektrotehnike, Albin Mujčinović, bachelor inženjer elektrotehnike, Alma Islamović, diplomirani biolog i Emina Kadić, diplomirani inženjer hemije.

Nadalje, kada su u pitanju tehnički uvjeti za obavljanje periodičnih pregleda i ispitivanja fizičkih, hemijskih i bioloških štetnosti i mikroklima u radnim i pomoćnim prostorijama, za procjenu rizika na radnim mjestima i mjestima rada u radnoj okolini, te za izradu stručnog nalaza koji se pribavlja u postupku skraćivanja radnog vremena, a koji su propisani čl. 13. i 16. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, odnosno članom 10. Pravilnika o postupku skraćivanja radnog vremena na poslovima sa povećanim rizikom, na osnovu dokaza dostavljenih uz odgovarajuće akte podnosioca zahtjeva, te na osnovu neposrednog pregleda utvrđeno je da podnosilac zahtjeva ima u vlasništvu uređaje, odnosno instrumente i mjernu opremu za ispitivanje propisanu navedenim odredbama pravilnika, i to:

1. za fizičke štetnosti (buka, vibracije i štetna zračenja osim jonizirajućih) – instrument za mjerenje buke bukomjer SAUTER SW 1000, Zvučni kalibracijski generator KERN and SOHN BSWA-01, instrument za mjerenje vibracija koje djeluju na ruke i tijelo CIRRUS CV:31A, instrument za mjerenje UV zračenja PCE UV34, instrument za mjerenje elektromagnetnog zračenja PCE EMF 823,
2. za hemijske štetnosti (koncentracija plinova, para, prašina, dima i aerosoli) – instrument za detekciju i koncentraciju plinova Dreager X-AM 8000, instrument za koncentraciju detekciju ukupne i respirabilne prašine CASSELA CEL 712 i pumpa za uzorkovanje CASSELA APEX2, analitička vaga AXIS AGNZ 100C i RADWAG PS 2100.R2, centralni stol za pripremu rastvora i hemikalija, te hemikalije, stakleno i drugo laboratorijsko posuđe,
3. za biološke štetnosti (virusi, paraziti, gljivice i bakterije) – digestor – laminalna komora FASTER V 12 sa UV lampom BIOSAN, termostat-inkubator MEMMERT IN 55, MEMMERT IN 55, VELP FOC 120I, frižider VOX KK 3300F, laboratorijski frižider Arctico LRE 440, prijenosni hladnjak NOMAD, aparat za destilaciju LAUDA PD 4, Sterilizator-sušnica MEMMERT SN 55, Autoklav

ZealWey GI36TW, vakumske i mikropipete BRAND Trasferpeta S, PH metar Giorgio Bormac pH50, analitička vaga 0,1 mg AXIS AGNZ 100C i tehnička vaga 0,5g do 2100g uzorkovanje 0.01g RADWAGAS 220.R2 Plus, plamenik po Bunsenu GLASSCO, binokularni mikroskop Optika B182, brojač kolonija FUNKE GERBER Colony star, vodeno kupatilo MEMMERT WTB6, laboratorijska centrifuga D1008 7000rpm, Spin air uzorkivači zraka, Dispanzerlab DLAB, prečišćivač zraka BIOSAN (2x), WIFI prenos podataka TESTO, Interface za prenos podataka TESTO, zapisnik informacija o temperaturi TESTO 174T, rešo Bira, hemikalije, stakleno i drugo laboratorijsko posuđe,

4. za mikroklimu (temperatura, relativna vlažnost i brzina strujanja zraka, osvjetljenost) – Instrument za mjerenje temperature i relativne vlažnosti FLUKE 971, instrument za mjerenje strujanja zraka TESTO 405v1, instrument za mjerenje toplotnog zračenja Termokamera FLIR i3, i instrument za mjerenje osvjetljenosti LUTRON LX-1102 i VOLCRAFT MS-1300.

Kada su u pitanju tehnički uvjeti koji se odnose na sopstveni laboratorijski prostor iz člana 13. stav 2. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, odnosno iz člana 10. stav 2. Pravilnika o postupku skraćivanja radnog vremena na poslovima sa povećanim rizikom, u postupku je na osnovu Ugovora o zakupu poslovnog prostora od 01.02.2017. godine i tlocrta laboratorijskog prostora, te na osnovu neposrednog pregleda, utvrđeno je da je na adresi podnosioca zahtjeva u sjedištu smještena i odvojena prostorija u kojem se nalazi laboratorija sa površinom od oko 57 m<sup>2</sup>, koja se sastoji od sljedećih prostorija:

1. Ventilisane prostorije za pripremu uzoraka,
2. Klimatizovane prostorije za obradu uzoraka,
3. Prostorije za sterilizaciju,
4. Prostora za pranje i
5. Hodnika.

Na osnovu neposrednog pregleda utvrđeno je da se radi o osvjetljenim i ventilisanim prostorijama koje osiguravaju mogućnost prozračivanja, a koje čine funkcionalnu cjelinu.

Kada su u pitanju tehnički uvjeti za obavljanje periodičnih pregleda i ispitivanja sredstava za rad i sredstava i opreme lične zaštite, električnih i gromobranskih instalacija na objektima na kojima se primjenjuju mjere zaštite na radu, a koji su propisani članom 14. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, na osnovu dokaza dostavljenih uz odgovarajuće akte podnosioca zahtjeva, te na osnovu neposrednog pregleda utvrđeno je da podnosilac zahtjeva ima u vlasništvu uređaje, odnosno instrumente i mjernu opremu za ispitivanje propisanu navedenom odredbom pravilnika, i to:

1. instrument za mjerenje sile – Dinamometar LUTRON FG-5100 0-100 kg, HF-2K 2kN, HP 200k do 20 tona,
2. precizni mjerač razdaljine – FLUKE 416 D i MITUTOYO 500-174,
3. instrument za mjerenje hidrauličnog pritiska – električna pumpa REMS E\_PUSH 115100 60 bar, električna pumpa JAPY P100 1000 bar i Manometar PS1 16000,
4. instrument za mjerenje temperature – FLUKE 971,
5. instrument za mjerenje buke – bukomjer SAUTER SW 1000,

6. zvučni kalibracijski generator KERN and SOHN BSWA-01,
7. instrument za mjerenje vibracija LUTRON VB-8212,
8. instrument za mjerenje UV zračenja – PCE-UV34,
9. instrument za mjerenje elektromagnetnog zračenja – PCE-MFM 823,
10. instrument za mjerenje toplotnog zračenja – Termokamera FLIR i3,
11. instrumenti za mjerenje detekciju i koncentraciju plinova Dreager X-AM 8000,
12. instrument za mjerenje prašine – CASSELA CEL 712 i pumpa za uzorkovanje CASSELA APEX2,
13. instrument za mjerenje električnih veličina – METREL EUROTTEST 61557 (2x),
14. instrument za mjerenje elektrostatičkog polja – EFS 106 i FRASER EX 715,
15. instrument za mjerenje osvijetljenosti – LUTRON LX-1102 i VOLCRAFT MS-1300,
16. sekundomjer – TFA Dostman i CONRAD CG-501,
17. mjerna traka – L-7,5 m (2x) i
18. mjerilo ugla – TOOLCRAFT DL 134.

Za sve navedene instrumente, odnosno mjerne uređaje su na osnovu dokumentacije dostavljene od strane podnosioca zahtjeva, kao i na osnovu neposrednog pregleda utvrđeni uvjeti u pogledu vlasništva, posjedovanja uputstva, te obaveze kalibriranja, koji su taksativno pobrojani i označeni u navedenom zapisniku od 25.08.2021. godine. Također, na osnovu dostavljene dokumentacije, odnosno na osnovu neposrednog pregleda utvrđeno je da podnosilac zahtjeva o uređajima, instrumentima i mjernoj opremi za ispitivanje vodi evidenciju, odnosno dokumentaciju sa podacima propisanim odredbom člana 17. stav 3. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, odnosno odredbom člana 11. Pravilnika o postupku skraćivanja radnog vremena na poslovima s povećanim rizikom.

Kada su u pitanju tehnički uvjeti za obavljanje poslova osposobljavanja radnika za siguran rad iz člana 15. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, na osnovu Dokaza o ispunjavanju uslova za osposobljavanje radnika za siguran i zdrav rad iz mjeseca jula 2021. godine i prilikom neposrednog pregleda konstatovano je da podnosilac zahtjeva na adresi u sjedištu posjeduje laptop za prezentaciju i obuku, projektor, platno za projektor i prostor-salu namijenjenu za provođenje teorijskog osposobljavanja radnika koja je opremljena standardnim kancelarijskim namještajem, kao i drugu opremu koja se koristi prilikom osposobljavanja radnika za siguran rad (pojas za rad na visini, zaštitne čizme, antifoni, zaštitne naočale, oprema za pružanje prve pomoći i aparati za početno gašenje požara).

Nadalje, što se tiče propisanih uvjeta iz člana 5. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, odnosno člana 5. Pravilnika o postupku skraćivanja radnog vremena na poslovima sa povećanim rizikom, koji se odnose na odgovarajuću metodologiju za obavljanje navedenih poslova, a u vezi sa odredbama Pravilnika o načinu, postupku i rokovima vršenja periodičnih pregleda i ispitivanja iz oblasti zaštite na radu („Službene novine Federacije BiH“, broj: 23/21), odredbama Pravila o procjeni rizika („Službene novine Federacije BiH“, broj: 23/21), te odredbama Pravilnika o postupku skraćivanja radnog vremena na poslovima sa povećanim rizikom, podnosilac zahtjeva je dostavio:

1. Metodologija za izradu akta o procjeni rizika iz mjeseca maja i jula 2021. godine,



2. Ogledni primjer akta o procjeni rizika iz mjeseca jula 2021. godine,
3. Metodologija za skraćivanje radnog vremena iz mjeseca jula 2021. godine,
4. Ogledni zapisnik stručnog nalaza za skraćivanje radnog vremena iz mjeseca jula 2021. godine,
5. Metodologija za periodične preglede i ispitivanje sredstava za rad i sredstava i opreme lične zaštite iz mjeseca maja i jula 2021. godine,
6. Ogledni primjer zapisnika o obavljenim periodičnim pregledima i ispitivanjima sredstava i opreme lične zaštite iz mjeseca maja 2021. godine,
7. Ogledni primjer zapisnika o stručnom nalazu o obavljenim periodičnim pregledima i ispitivanjima sredstava za rad – dizalice iz mjeseca maja 2021. godine,
8. Ogledni primjer zapisnika o stručnom nalazu o obavljenim periodičnim pregledima i ispitivanjima sredstava za rad iz mjeseca maja 2021. godine,
9. Metodologija za periodične preglede i ispitivanja fizičkih, hemijskih, bioloških štetnosti i mikroklimе u radnim i pomoćnim prostorijama iz mjeseca juna i jula 2021. godine,
10. Ogledni primjer zapisnika o stručnom nalazu o obavljenim periodičnim pregledima i ispitivanjima fizičkih, hemijskih, bioloških štetnosti i mikroklimе u radnim i pomoćnim prostorijama iz mjeseca juna 2021. godine,
11. Metodologija o osposobljavanju radnika za siguran rad iz mjeseca maja i jula 2021. godine.

Shodno navedenom, a imajući u vidu propisane organizacijske, kadrovske, tehničke i druge uvjete koje moraju ispunjavati ovlaštene organizacije za obavljanje stručnih poslova iz oblasti zaštite na radu, te oblik i sadržaj isprava koje se izdaju u skladu sa navedenim pravilnicima, utvrđeno je da organizacija "MULTITEH-INŽENJERING" d.o.o. Zenica ispunjava propisane uvjete za obavljanje stručnih poslova iz oblasti zaštite na radu, i to: periodičnih pregleda i ispitivanja fizičkih, hemijskih i bioloških štetnosti i mikroklimе u radnim i pomoćnim prostorijama, periodičnih pregleda i ispitivanja sredstava za rad i sredstava i opreme lične zaštite, električnih i gromobranskih instalacija na objektima na kojima se primjenjuju mjere zaštite na radu, procjenu rizika na radnim mjestima i mjestima rada u radnoj okolini, osposobljavanja radnika za siguran rad, izradu stručnog nalaza koji se pribavlja u postupku skraćivanja radnog vremena na poslovima sa povećanim rizikom i izdavanje odgovarajućih isprava iz oblasti zaštite na radu, te je s tim u vezi, a na osnovu ovlaštenja iz odredbe člana 64. stav 1. Zakona o zaštiti na radu, a u vezi sa čl. 4. i 19. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu, te čl. 4. i 12. Pravilnika o postupku skraćivanja radnog vremena na poslovima sa povećanim rizikom, odlučeno kao u tački 1. dispozitiva ovog rješenja. Imajući u vidu da se u skladu sa članom 64. stav 2. Zakona o zaštiti na radu, dozvolava za obavljanje stručnih poslova iz oblasti zaštite na radu izdaje na određeno vrijeme u trajanju od četiri godine, odlučeno je kao u tački 2. dispozitiva ovog rješenja. Na osnovu ovlaštenja Federalnog ministarstva rada i socijalne politike da u skladu sa odredbom člana 68. Zakona o zaštiti na radu, te odredbom člana 22. Pravilnika o uvjetima koje moraju ispunjavati ovlaštene organizacije za obavljanje stručnih poslova iz oblasti zaštite na radu i člana 15. Pravilnika o postupku skraćivanja radnog vremena na poslovima sa povećanim rizikom, vrši nadzor nad zakonitošću rada organizacija koje obavljaju stručne poslove iz oblasti zaštite na radu, riješeno je kao u tač. 3. i 4. dispozitiva ovog rješenja. S obzirom da se u predmetnoj pravnoj stvari radilo o postupanju po zahtjevu "MULTITEH-INŽENJERING" d.o.o. Zenica, radi donošenja

konačnog rješenja u skladu sa članom 88. Zakona o zaštiti na radu, to je odlučeno kao u tački 5. dispozitiva ovog rješenja, kojim je rješenje ovog ministarstva od od 11.03.2011. godine, doneseno u istoj pravnoj stvari, zamijenjeno ovim rješenjem.

U skladu sa Zakonom o federalnim upravnim taksama i Tarifi federalnih upravnih taksa ("Službene novine Federacije BiH", br. 6/98, 8/00, 45/10 i 43/13), na izdavanje ovog rješenja plaćena je taksa po tarifnom broju 19. tačka 4, u iznosu od 50,00 KM.

Ovo rješenje će se primjenjivati od dana njegovog donošenja.

**Pouka o pravnom lijeku:** Ovo rješenje je konačno. Protiv ovog rješenja može se pokrenuti upravni spor pred nadležnim kantonalnim sudom u roku od 30 dana od dana dostavljanja ovog rješenja.



Dostaviti:

1. "MULTITEH-INŽENJERING" d.o.o. Zenica,
2. Sektor za rad, zaštitu na radu i zapošljavanje,  
-ovdje-
3. a/a.